

大名府志

671.1400
077
117

咸豐三年鐫

大名府志

府庫藏板

大名府志卷之十九目錄

藝文記傳

重修普照寺記

王越

滑州明福寺浮圖記

白敏中

重修資壽寺記

穆文熙

重修出城寺記

劉矩

重修福興寺記

劉輔

重修華嚴寺記

董漢儒

水月菴記

魏憲

文殊寺重修毘盧寶殿記

陳所志

重修水月大士堂碑記

陳素蘊

大伾山寺不停廢記

馬去非

陽明洞記

霍 錢

畫舫齋記

歐陽修

重修畫舫齋記

姚德聞

賓館挹芬亭記

王叔杲

遷建挹芬亭記

周邦彬

挹浮亭記

張肯堂

療鶴亭記

尹 耕

龍化村太古堂記

張應福

清白堂記

桑時爚

岸觚記

程 滂

雲半山房記

張肯堂

浮邱山房記

成克鞏

白雲茅屋記

張 翰

梁上記

李 邕

八角井記

賈 耽

石幢記

王中孚

重修御井碑亭記

王如默

改正黎公墓祠記略

甯時鎮

志濬縣子貢墓祠記

計東

衛公墓問對記

周之謨

重修先賢仲子墓記

董漢儒

王彥章畫像記

歐陽修

張候遺愛記

任登

盧太學傳

王世貞

周孝子傳

焦竑

穆信卿傳

黃洪憲

嘉祥令董君傳

石星

吳苑馬傳

董復亨

張大參傳

趙南星

大司馬石公傳

鄒元標

崔少保傳

黃景昉

成基命傳

傅維麟

劉中丞公小傳

邵煥元

竇郎中傳

董復亨

壽光令袁公傳

邵獻珂

少司馬王公傳

孫奇逢

司李靳公傳

黃與堅

明大同司理董長公傳

辛廣恩

五賢殉難傳

辛廣恩

程王二孝廉殉難傳

呂夾鐘

三孝廉傳

戴元

大竹令朱公傳

邵煥元

成方伯公傳

吳偉業

山西左方伯王公傳

賀應旌

司李劉公傳

韓炎

高愍女傳記

李朝

李節婦傳

楊侯斯

李節婦傳

趙南星

邵節婦傳

趙南星

雙節傳

劉六德

長垣三節婦傳

趙浩

節婦王氏傳

岳木

大名府志卷之十九

藝文

記

重修普照寺記

王越

西方身毒國去中國僅三萬里有化人焉產於淨梵
王家脇出不以爲異墮蓐卽手指天地作獅子吼不
以爲怪舍身出家不以爲辱鵲巢於頂不爲之噉蘆
穿於膝不爲之苦割肉餵鷹不爲之痛蓮臺寶座不
爲之榮黃金布地不爲之奢神著六通慈涵萬象雪
山行滿遂成正覺故名曰佛其教始於性善終於性

善善卽是心心外無道道外無心動無不虛虛無不
善靜無不爲爲無不善此西方之教中國未有佛也
至漢明帝時夢丈六金身遣蔡愔往訪之邀竺法摩
騰白馬馱經以至東都因躬白馬寺以處西域人奉
其教中國未有僧也至吳赤烏年間漢人鄒庸輩始
爲僧北魏孝明帝始度僧祈福隋文帝始命僧爲官
唐玄宗始詔禮部給牒於是佛教大行僧寺遍天下歷
五代宋元興廢不一而此教未嘗息也大名之清豐
古衛頓丘隋開皇中邑有孝子張清豐因以名縣縣
有圓明寺躬於上元元年世遠人湮莫能詳其序次

暨至元十九年都綱辨才改曰普照元季爲兵燹所
毀逮洪武十二年僧行潭號龍溪尋緝舊業供奉香
火十五年知縣金雍保送南京始授僧會自後衣鉢
相傳曰院滿號松窻同住持惠澄號覺海於永樂初
重修佛殿二所六間僧房二十餘間曰成貴號玉堂
同住持成瓘號圭峯於正統間再修天王殿禪堂各
三間曰成炎號玉峯同住持定浩號自然同衆僧於
成化元年修方丈二所共計十間廚房各五間又添
修兩廊房五十間成化十五年定恒號大千自幼原
習瑜珈因誦法華乃悟幻身泡影易滅改從禪教其

年以所乘良馬資囊俱捨於常住普齋僧衆又命工畫天地冥陽水陸聖像二堂共一百五十軸供千盤無遮大會七晝夜又創蓋水陸殿一所三間齋堂六間成化二十一年炎與住持定鉉定恒同衆生又大造佛殿五間高廣壯麗甲於今昔殿成本寺僧德還性寬惠漆與檀越王貴張通鄧聰共造銅佛三尊礮石爲座僧定安造鐵羅漢一十八尊像宇完美琰與諸僧衆不遠千里而來謁余草堂俯顙作禮備具寺始末興衰之故丐言立石以爲永圖夫清豐余鄉邦僧皆鄉人且余少時遊學嘗憩於寺感今懷昔言莫

容已於錄實紀歲月惟是寺起廢於龍溪補亡於松
窗增飾於玉堂圓滿於玉峯今見任本寺僧會惠玉
號無瑕僧更五代世餘百年經之營之亦勞矣哉然
厥功一成四善具焉一爲天子祝釐二爲蒼生資福
三爲大衆勸善四爲比丘作無上道場他日有努力
向上親見如來本面慧天福地大放光明則予言雖
俚可與大藏文字同垂不朽若曰窮土木眩世俗非
余所知助緣僧俗姓名併付鐵筆刻諸碑陰同薰此
香正德七年歲在壬申夏四月

滑州明福寺浮圖記

白敏中

唐乙巳歲帝命司空隴西公作藩於滑公旣至問甲士以安問文吏以理問黎人之疾苦翊月之後旣安且理而無疾苦明年夏五月暇日公與監軍軍倅賓介遊於佛寺寺號明福因詢明福之義有僧定俊曰冥報記云隋開皇中滑人杜明福妻齊氏嘗讀法華經歿後爲崔氏男子名彥武至仁壽四年崔年三十爲滑守一日了然通前生事顧謂從者曰吾昔爲此郡人婦今知家處因乘馬抵城闌入修巷指門而呼杜氏明福老矣疾出拜迎崔入門先升堂指東壁巧塤之隆處謂明福曰吾昔所持佛經金釵藏於此七

卷末紙火藝字滅每念至此常不終卷於是壞垣果
得經并釵其末藝處咸如說復指庭前樹曰吾常斷
髮寘諸穴中取之得明福殆不勝情云皆亡室之所
遺記也比計物故之日及生之年畧無差焉噫靈驗
應兆旣如彼存歿契會又如此感嘆久之遂請施宅
爲寺崔卽日爲之上言請置寺因號明福由是起殿
中虛屋周廊四廻前三其門庭二其臺架危樓以聲
鐘植修莖以飛旛界宇峻嚴宛如鷲山于茲三百有
餘年矣公異其事惜無銘記遂勒石以載旣而出家
財修浮圖賈彼餘力因其隙時人樂就役而物無枉

耗越七日浮圖成峻層孤危高無有倫壓地貫天泉
縮日低鐵輪周迴風鐸四鳴軍城用爲壯觀公命敏
中援筆以記敏中蹶然而起曰釋氏之教其來久矣
漢魏以降復煽而熾其教以禪定慈忍報應齋戒爲
事亦以是誘掖人心輔助王化何者先王恭默無爲
之道乃禪定乎忠恕惻憫之訓乃慈忍乎懲惡勸善
之法乃報應乎防慾閑邪之理乃齋戒乎分其教而
則殊歸於理而何異子不語怪力亂神惡其人之惑
也今崔氏之應足彰福善之理焉可同怪神乎故得
直而書之無愧詞於戲公不至寺誰表其異寺不公